

四庫全書

集部

欽定四庫全書

學餘堂詩集卷三十七

翰林院侍讀施閏章撰

七言律

丁未秋杪觴客李維饒孝廉宅

時行人吳澹庵以使至進士鄒程村

孝廉徐原一張天民文學徐伯調高阮懷
皆客南浦予奉裁解官置酒與諸公別

歸帆不惜繫斜曛
歌管畱歡到夜分
北極使星初駐節
西園才子下論文
當杯坐對疎籬菊
過雨檐低別浦雲

酒罷明朝各天末尺書那得慰離羣

送徐原一入楚訪李元仗

東湖風雨數招尋惜別重看楓樹林
路入湓城吳岫遠帆低鄂渚楚雲深
汀洲蘭芷含秋思鼓角江山感客心
黃鶴樓邊逢李白那能相對罷高吟

秣陵數與蓮西邵村省齋夜酌

時邵村歸自塞外余始相見

老友艱難絕塞迴同心復聚鳳皇臺
共看青髻年年換那惜芳筵日日開
珍饌天寒園土銼香醪月落倒山杯

風流盡是烏衣客
疎放誰知卧草萊

園齋種樹

谿上小園春自花
主人久客今還家
藥欄歌折全應補
草閣清陰不厭遮
雜蕊新移通徑曲
高枝故放出檐斜
尋幽更擬桃源去
五柳先生未足誇

二

疎籬野色入山家
疊嶂春陰覆水涯
乍起白雲飛繞檻
半枯老梅濃作花
人間醉歌許林壑
眼底屈伸看龍蛇

抱膝吾廬書滿坐臨風莫問髣髴將華

玉山寺得遲字

東臯日夜芳草滋二月未半已黃鸝深竹叢中尋舊徑

沃州亭畔長新枝

寺後舊有沃洲亭

晴溪綠水隨山轉陰岫閒

雲出樹遲好結高齋依白社峰頭吹笛月明時

宋李含章隱此

風月良夕輒吹鐵笛見郡志

牡丹花下集親舊

晴山積翠落江干小苑流鶯過藥欄並蒂欲翻含露重

高枝獨立耐春寒，尊移上客風前坐。頭白名花醉裏看。
自古梁園佳會少，百年今日故人歡。
時同坐二十餘人
談讌盡歡月出乃
散是夜風
雨大作矣

送陶在魯別駕歸山陰

先是官
樞部

城東春草日芳菲，共餞單車向越歸。
宦薄田園三徑在，心閒江海二毛稀。
敬亭山下雲隨馬，賀監湖邊水繞扉。
頗憶含香青瑣闥，可能長臥釣魚磯。

入夏十日懷周釜山去年同泛臨江

五馬歸來臥五湖今年詩似去年無
蕭灘月夜同青舫
橘圃風亭倒玉壺
官罷青山雙屐在
雲深滄海片帆孤
吳淞彫瘠重征歛
多恐閭閻病未蘇

吳湖州園次畱宴愛山堂

同阮懷

故人惜別自長安
官舍開尊共客歡
秋曉雲霞天目見
夜深風雨太湖寒
近階雙鶴隨清嘯
臥閣千峰耐獨看
我欲南游問嶺海
扁舟臨發一凭闌

宿吳興碧巖寺

有白雲峰最高

寺入青冥石徑幽長風落日客衣秋寒聲谷應巖前瀑
夜色湖明樹裏樓對榻一僧詩汗漫過山雙屐雨淹留
白雲峰下經行少更有何人絕頂游

苔上苔同里茅楚畹

時授經
郡齋

挾策悲歌憶帝都談經郡閣復游吳高齋松雪開書帙
美酒烏程滿玉壺夜雨官亭歡故舊春風畫舫入江湖
白蘋洲畔同君坐雅詠還如柳惲無

吳錦雯湖舫同荔裳稚黃武令

鷺渚燈前散客筵
虎林雨後盪歌船
清秋共劇江湖興
舊詠猶傳京洛篇
往在都下有京社詩
日落嚴城喧鼓角
年來羈宦總林泉
嶺南幾載音書濶
拚醉蓬窗對月圓

湖上別吳潮州繭雪

先是同官比部

華髮歸來粵海餘
白雲樓上夢應疎
百千生事付高枕
七十老人能細書
興滿湖山猶杖屨
家鄰松泖自樵漁
明年肯就扁舟約
春水桃花接草廬

江郎山

江山縣志稱江氏兄弟登此山化為石

化石嵯峨靈蹟稀
江天海嶠接清輝
蒼巖萬古誰名氏
碧漢千尋人是非
秋霖烟霞天外落
夜深笙鶴月中歸
問君何日丹成去
更作浮雲一片飛

建寧九日聞師次延平

老去重陽拚客舍
落帆斜日投東溪
百粵秋深帶雲霧
三山路近愁鼓鼙
叢菊炎方底未發
芙蓉荒館傍誰低
把酒登高復何處
幔亭尚隔千峰西

天游觀贈谷語

天界寺僧又
將往廬山

已窮九曲復同游一杖憑陵萬壑流
冒雨遠穿簾洞窟梯崖獨俯慢峰頭
夢回天界時飛錫興入匡廬更買舟
三笑不須尋白社共捫仙掌坐高秋

過延平

有黯淡灘

薄雲苦霧楓欲殷黯淡灘聲催客顏
城堞萬家出水上烟嵐一寺銜
山灣浮橋沽酒晚相就立鷺伺魚寒未還
千古沉淵好龍劍會須雙躍驚人間

閩中集劉潤伯都使山笑堂

嶺外孤城暮雨寒
天涯握手重交歡
鉅尊竹榭間笙管
海錯江瑤滿玉盤
喜接親朋從坐密
擎來稚子入懷看
歸心莫問青山笑
丘壑頻年卧未安

榕城值陸在茲

壯游何事感飄零
久客滄洲兩鬢青
幕府陳琳原草檄
朱門賈傅更傳經
九峰花滿仙人宅
百粵雲依處士星
痛飲過從吾不惜
高齋直擬是郊坰

客閩即事

舊傳城南
多名園

殊方不定寒暄節病客難調增減衣江上人家間蜚戶
城南園館剩僧扉省兵日見兵船急禁海年來海錯稀
嶺嶠近傳羣盜在風烟畱滯幾時歸

晉安客舍和家又王

難忘春草夢中情幾度秋螢客裏生舊徑荒蕪甘瘴海
清尊風雨對榕城窮愁漸老疎詞賦耕釣隨人混姓名
惆悵三山今夜月不知何似虎丘明

又王家吳門

莆中贈余季蘆先生

公以徙海入城喪其伯兄有詩近萬首

舊業蘆中勝，灤西飄搖松菊委。荒蹊斷行獨，雁愁霜冷移。樹衰猿帶雨啼，病卧孤城滄海暗。詩成萬首白頭低，鯉湖咫尺仙山在。那得晴雲共杖藜。

贈莆中林氏兄弟

祖夏祖涵

東山一拳成草堂，幾歲殺青書滿牀。海日冥冥自烟雨，女蘿裊裊誰衣裳。倚杖寒光豁雙眼，窺檐怪石蹲羣羊。坐語壺公對尊酒，有壺公山惠連兄弟興何長。

侯官畱別林涵齋

海隅者舊不言貧車騎時時問隱淪種竹山堂高臥地
杖藜野寺獨吟身自燒紫芋仍畱客閒畫滄洲肯贈人
朔雁南雲真惜別相思書札莫辭頻

偶書小齋屋壁

散帶狂歌五十春滄浪終笑未閒身善忘姓字頻詢客
慣詠窮愁忌忤人縱少三山凌海嶽那無十畝長松筠
坐看水際寒雲在白鷺銜魚過白蘋

張桐君嶺南書至

寒山木葉朔風摧萬里音書粵嶺來事業只應歸絳灌
文辭誰復問鄒枚頻傳海嶠風烟動十見江花瘴雨開
客舍鄉園各無恙莫傷天末獨登臺

于廬陵慧男致酒貲藥物

安仁自喜賦閒居誰遣春風到敝廬恨別舊諳雙眼淚
經年頻寄數行書詩耽家學官仍達力盡親交義未疎
為報老夫憑藥餌荒園小健得携鋤

元夜過唐耕塢舍人

時予適南州
唐將往豐城

幽棲草閣接河干數擬花時問藥闌斗酒坐留銓夕永
孤舟別去雪江寒白頭稍喜親交健作客寧辭道路難
翻笑飄蓬多會合廬峰滕閣倘同看

過水陽有懷吳雨若

積雪羣山尚渺茫流澌短棹入滄浪劇憐春色郊扉早
借問高齋野徑長漂泊審音存李札艱難賣藥老韓康
文章何物牽情思杖策還應就草堂

將次荻港

雪滿寒江向晚晴，舟隨淺渚鑿冰行。
蒲葦遠入水雲色，鳬雁羣飛風雨聲。
潮送石頭歸棹急，磯回板子戍樓明。
從來扼險成何事，廢壘年年草自生。

寄屈清江遜公

先是予官湖西駐節清江

河陽能吏自聲名，憶昨扁舟送我情。
一卧空山依桂樹，幾回飛夢共江城。
龍岡講席寒雲在，橘圃官亭茂草生。
努力莫嗟懷抱盡，縣前秋水照心明。

贈李袁州煥章

郡連湘楚最關情自許臣心共水清
疲邑征輸煩五馬古祠絃誦集諸生
江邊日暖寒帷靜野外春深買犢耕
風土更間多記述知君早晚報書成

時刻表
州郡志

南浦贈鄭次公

貴溪人自翰林轉水
部時見示詠梅諸詩

谷口幽棲臥幾回較書曾向石渠來
鄭莊好事貪畱客鮑照新詩詠落梅
帝子閣前新漲綠藐姑山下百花開
風流水部還青瑣後會何時共酒杯

俞達夫邀集螺墩

同周伯衡張
幹臣楊陶雲

畫舫清歌倚洞簫精廬小閣出山椒春光到眼忽過半
詞客同時屢見招散馬汀洲芳樹少落霞紅閣數峰遙
從來官跡隨蓬轉不擬鄉愁傍柳條

麻姑山中遲徐仲光不至

滿樹辛夷花氣薰石壇精舍竹邊分孤亭寒引雙流瀑
五老晴飛衆壑雲日暮洞門誰識路春深鸞鶴自為羣
幽人尚隔前峰外昨夜仙歌何處聞

雲門寺是麻源第三谷

卷三十七
度嶺穿巖日欲晡溪邊野寺白雲孤殘花滿徑鹿來去
幽鳥數聲僧有無烟火人家依谷口胡麻仙飯問山厨
尋源盡處知何盡自笑愚公老更愚

贈任清南郡丞

時自粵西慶
遠建昌

任昉家聲世所知乘輅到郡及春時王程不憚炎方瘴
官橐惟携柳廟碑古寺花深陪客醉山城事簡放衙遲
麻姑瀑布雙飛近它日重期倒接蘿

龍道顯進士自吉州見過

寒江遠道素交來，南浦春殘未肯迴。
客裏停舟惟把卷，雨中燒筍共銜杯。
同心講席追陪久，捧檄官程早晚催。
汝去吾哀重契濶，看花執手一裴裛。

答胡萬安邕藩

相思千里故人存，書到空深別淚痕。
廉吏風流成拙宦，荒城雲物一孤村。
灘聲夜入琴堂靜，嵐氣春垂驛路昏。
逸興還來問新句，那能灑酒對江門。

寄王若先孝廉

王自南州入閩，予返自
江途中相趣不及。

差池來往各風煙南下閩江路更偏
三谷近過仙子宅九峰遙接孝廉船
殘春搔首龍沙畔舊夢談經鷺渚邊
垂老新詩須付汝滄洲良會復何年

章江李少司馬園林留別

名園占斷蓼洲灣况復歸田得暫閒
海鶴雙棲重哺子籜龍新長半藏山
不煩着屐頻登望獨為看花數往還
垂老偏舟容易別幾回芳樹醉同攀

高阮懷省試見放

比舍論交二十年同游看月百回圓
疎狂合側時人目
騰達還餘幾輩傳
久病共拚逋酒債
長貧誰辦買山錢
秋寒夜雨思朋舊
何處生涯不可憐

集家園桂花下

垂老歸田見汝稀
攀條藉草惜芳菲
交柯細蓋橫欺鬢
匝地繁花覆滿衣
朋舊追歡成四坐
蓬蒿作意揜雙扉
谿漁野醉君休問
招隱於今願不違

陪唐寓庵使君汎舟響山潭因登玉山

陵陽南畔釣龍灣，赤壁高臺綠水間。
一自錦袍仙去後，到今烟月意長閒。
扁舟載酒隨登涉，野寺穿林數往還。
半醉接羅從倒著，習池爭似此溪山。

地故實子明釣白龍處李太白嘗游

詠

二

秋晴難負登高節，策駕重尋玉嶺遊。
不信茱萸催我老，肯教白雁喚人愁。
迷離雲樹垂村舍，遠近江山入寺樓。
坐送夕陽歸棹急，蒼烟明月滿汀洲。

汪發若孝廉陽坡草堂

門徑陰森石磴斜，城頭山館樹交加。
雲霞遠色橫千嶂，雪月寒光俯萬家。
烏几琴書皆傍竹，陽坡風土舊宜茶。
愛君兄弟過從數，每歲吟看滿眼花。

山行入寧川界

箬塢梅溪道路長，重林秋色遠蒼蒼。
野禽羣散入寒霧，山果葉稀明夕陽。
貪逐峰巒樵徑失，試餐杞菊石泉香。
田家谷口容棲託，無數藤蘿覆草堂。

訓陳遽人見過

雲山山下北湖濱
古洞幽居少四鄰
半畝自鋤非舊業
百年高卧見遺民
苦吟立盡溪亭月
懷友閒過野寺春
遠別素交留永日
不妨題句滿松筠

過唐彥升野館

江郭茅亭沙鳥鳴
相過不惜杖藜行
田園逝水貧能學
家世論詩舊有名
繞屋寒雲人境遠
讀書秋樹野塘清
期君斗酒何時醉
搖落重含恨別情

宗人次騏孔固至自蕪湖

雨雪山城暗未開
江頭何意片帆來
羈棲避俗書盈篋
真率論交酒數杯
家破尚留廡下客
時危誰惜郢中才
于湖文酒多朋舊
搖落離居盡可哀

悼蕭尺木
懷沈天士

贈李茂之處士

老去歡顏自渥丹
春風拂檻好加餐
牀頭周易日頻讀
肘後方書時一看
餅醉紫螯留餉客
家臨綠水不垂竿
眼前耆舊誰為傳
混跡從教戴鶡冠

寧信寺看牡丹

相傳百
餘年物

策騎穿林興不違春陰入寺正芳菲風摧檻壓枝無數

古幹叢花世所稀碧蘚半庭供客坐青山幾處繞僧扉

當年吾叔經過舊徙倚含情待夕歸

家叔嘗讀
書寺中

新城訪王肇生歸舟即事

宣城北郭有
地名新城

三月乍暖如暑天溪光柳色清可憐野渡孤村浮鏡裏
敬亭列嶂橫眼前平沙深巷見高樹菜圃麥畦交綠烟
幽人坐語從日暮歸路晚風歆客船

一簋約和張陸舟

看花老眼倍憐春花下同遊復幾人兼味貧來猶是累
一尊興到各隨身携從藉草追丘壑會止比鄰畧主賓
翻笑朱門真鹵莽萬錢廢箸總埃塵

嘲友人閉戶

坐卧茅堂對北樓敬亭招我及春遊好將朋酒穿雲去
忍背鶯花盡日愁跡謝窺園終索寞詩成躡屐儘風流
林塘莫厭經過徧剩水殘山足勸酬

雨阻不得登澄江亭

郭外澄江照眼明一春肯放幾朝晴雲寒野渡扁舟少
雨漲山橋亂水平滿砌濕花愁語燕高楼捲幔待流鶯
良遊咫尺頻虛約三徑何須草盡生

夜愁朝雨

午夜攤書厭短檠來朝酒伴許相迎林花爛漫鳥休啄
野老顛狂席任爭乍喜疏簾通片月休教急雨亂殘更
華陽疊嶂賒晴色拂曙先生杖策行

莆田鄭牧仲未面枉詩見訊

有賣卜遊匡山諸詩

未見幽棲谷口人詩來肯寄楚江濱
藏書刺有君山富賣卜誰言季主貧
夾漈湖邊高隱宅匡廬峰頂獨遊身
從誇謝朓吾何有徒遣相思白髮新

廣陵值趙五絃歸自慶遠

西江送別路偏長年髻詩篇各老蒼
萬卷隨身輕五馬孤舟落木下三湘
宦成家在笙歌地病起人歸瘴癘鄉
見說登山復臨水拂衣何處不清狂

題李鏡月七星巖畫卷

曾向崧臺汗漫遊，淮南狂客重停舟。
峰回炎塞星辰合，雨暗荒城島嶼秋。
指顧江山窮百粵，逢迎詞賦動諸侯。
仙巖舊日題詩處，為我看餘幾字留。

顧來玉歸錫山

時為具先公雙九
乞志墓故有末句

亂山涼雨足秋陰，兩世論交感素心。
官舍別來頭半白，草堂接近日相尋。
盤餐簡畧家貧見，楓樹蕭森客路深。
猶恐作碑慙有道，十年舊淚一沾襟。

洪林過湯衣白

十餘年別各蒼顏依舊南村屋數間偶種野花成小圃
醉題拳石當名山支頤草閣雲千疊倚杖楓林水一灣
宅傍麻姑仙竈在勞人衮衮讓君閒

郭瑞屏山樓

幽人舊宅園林幽地暖冬深如早秋旋網池魚供客饌
共邀松月醉山樓青衫笑擲羊裘在華髮行歌澗水流
生事漸看婚嫁畢向平五嶽可能遊

王舍人丁員外書至

王龍西
丁次蘭

比歲長安一字無，真貪散髮卧菰蘆。
青雲何意收知己，白首相思問老夫。
揚馬文章歸省署，漁樵風雪自江湖。
殷勤莫說彈冠事，借箸藏舟未是愚。

元旦雪霽試筆

袞袞流光草草身，雪殘稍見歲華新。
冰花滿樹初迎日，寒鳥爭枝早弄春。
萬事已拚無長物，百年誰讓作閒人。

兵荒未靜田園穩，匹馬愁驅薊北塵。

時捧檄
當詣部

早春放舟至湖北

帶郭清溪接翠屏，雪融灘漲水泠泠。
湖雲送雨滿帆白，沙柳禁寒一夜青。
烟火空濛幾村舍，藤蘿縹緲誰家亭。
半醒半醉浮槎去，肯信人間有客星。

東張友鴻雲間

君有竹
深草堂

壯心何事老江門，水郭山田自一村。
捲幔春風書帙亂，閒堂夜雨竹聲喧。
管絃每顧花前曲，賓客時開湖上尊。
漂轉餘年懷舊切，扁舟須就辟疆園。

過何次德孝廉

名都彥會不嫌真疎節還收我輩人冠蓋如雲從滿眼
文章何物獨傷神半生結客交游倦三世鳴珂藥餌貧
桃葉渡頭晞髮好春風還愛舊松筠

與商賢夜酌

無復秦淮歌管年風流笛步水亭偏一庭紅藥送春雨
夾岼垂楊綰客船飄泊心間餘汝共哀吟頭白好誰傳
月明尊酒從深酌惆悵高樓畫角前

和錢湘靈見贈

君有萬竹園牡丹
詩和陶飲酒廿首

孤飛西北一浮雲
造次相逢客路分
金谷勝游花下得
柴桑逸調酒中聞
風煙荏苒思回策
心跡疎慵薄賣文
良會江城同惜別
攤書高坐獨輸君

酬顧與治從子友惺

顧況風流久絕塵
如君詞翰復清新
比鄰晨夕來看客
話舊悲涼易感人
生事閒憑一研得
幽居長占六朝春
秣陵遺老今搖落
壯歲高歌莫厭貧

謁關里廟

禮器千秋自杏壇陰森夏木曙光寒古牆定有書還在
講席猶疑語未闌泗水迴波清俎豆岱宗真氣抱林巒
丈夫一到堪回首誰謂吾生間道難

初入都集王西樵阮亭邱舍同荔裳顧庵繹堂周
量賦得初字

故人沽酒解金魚散帶開尊見面初客到清陰生竹樹
交情白首暉樵漁弟兄比舍長聯騎風雨連牀祗讀書

契濶不嫌來往熟過從晨夕即吾廬

飲家韭菹官舍率爾留贈

吾宗真有古人風茗竈詩籤滿眼中避世散曹從老去
殺青連屋任官窮城頭山見疎簾捲河朔尊開舊雨同
解帶共拚泥飲得醉餘騎馬忘西東

別紀蘖子

時客龔
宗伯宅

白頭重別暮尊前桂樹風涼八月天作客可能忘草閣
移家聞說買江田貴游每結王生襪詩品羣推記室篇

長憶鍾山存一老十年風雪滯幽燕

君自號鍾山一老

集董默菴編修宅

隔巷比鄰跡未疎直容騎馬到階除
朋來南國傾家釀雨過西山夾客居
藜閣早年新載筆石倉幾世舊藏書
下帷莫訝窺園少漢室儒流數仲舒

送郭生洲副使之漢中

梁州形勝自嶙峋千騎重開憲節新
仙嶺連雲元枕蜀漢山積雪俯看秦
烽銷戍壘江流穩鯉膾金盤丙穴春

此地雙旌來往熟長驅不是倦游人

郭已兩
宦蜀中

贈謝方山舍人

相國之子有春
興詩傳都下

薊門邂逅輒相憐畫省含香正少年
舊邨平津諸客散新詩康樂幾篇傳
梅花春興江湖滿芸閣秋懷岱嶽懸
燕市悲歌吾意盡眼中誰復賞朱絃

留別張簑山學士

誰識金門大隱人共看眼底一浮雲
西江尚憶螺川會北闕重驚龍劍分
得路臯夔應自愛歸田猿鶴舊為羣

蘭舟竹寺秋光遠何處青山不憶君

飲梁蒼巖大司寇宅

不到青門七載餘重煩問訊及樵漁
官因再起名逾美
法用三驅網自疎
風雨夜留珠履客
舟車時擁石倉書
相逢便許相酬唱
倘得新詩慰索居

都門臨發周量同院亭追送出詩袖中

涼風吹面客心驚
二仲勞勞復送行
自喜清溪三畝在
相憐白髮一時生
烟霜搖落題僧寺
文酒招尋夢帝城

何處離情最蕭瑟江船夜雨滴殘更

送劉峻度同年之官曲陽

孤城見說恒山下幾處人家近翠微候館少逢驛使到
縣齋時有嶽雲飛素琴在膝官應暇名士分符客盡歸
舊日園林饒樂事霓裳一曲肯相違

君有家伎自言
作史當廢歌舞

王敬齋宗伯招飲園林

兩世官兼八座名東山不淺謝公情圖書坐對花千樹
絲竹都閒鶴一聲卜夜歡筵寬禮數嬾朝詞客肯逢迎

朱絃舊忝鍾期賞十載徒增白髮生

錢介之少叅請郡得成都

出牧誰言蜀道難風流秉節舊郎官
劍門石棧披雲入錦里春江露冕看
千騎寧逾五馬貴孤城坐控萬山寒
浣花溪上祠猶在疎竹蕭蕭賸幾竿

學餘堂詩集卷三十七

欽定四庫全書

學餘堂詩集卷三十八

翰林院侍讀施閏章撰

七言律

中秋次大寧孫唐山煥吉留飲

雙旌日暮出孤城
造次移尊十載情
歧路客逢佳節會
中天月為故人明
鄉心露坐衣從濕
驛樹烏飛夢自驚
白首高歌還北望
舊遊詞賦滿神京

嵩洛途中追和鄭次公水部送別

燕臺把酒罄交歡
逋客心知聚首難
短袂拂衣隨雁去
好山留意待人看
津亭明月砧聲亂
野樹斜陽木葉寒
惜別彈冠總閒事
白雲無恙報平安

河北值吳賡菴少司馬

時方除服奉
特旨徵科

八驕飛鞚入彤墀
駐節停車慰別離
落日漳河還執手
銜杯練水憶當時

主恩三錫絲綸重
客路孤城風雨遲
若問蒼生定前席

艱難好達九重知

夏峰贈孫鍾元徵君時年近九十

城南平野却山村屢下徵書卧葦門地擁九峯三徑好
天留一老百年存著書濂洛追前輩比德荀陳見後昆
搖落斯文耆舊少結廬便擬共雲根

懷慶別彭太守悟山

郡治舊有望岳樓

駐馬孤城落日黃燈前執手遽飛觴情知客子分襟遠
故緩笙歌送夜長山曉登樓看少室花時行縣擁河陽

富公此地三為牧風澤於今尚未忘

富文忠嘗
三判河陽

登偃師城懷古

伊洛波寒漸作霜嵩山入望倚天長
吹簫廟古存緱嶺叩馬村傳自首陽
輔嗣斷碑秋草沒田橫高塚暮雲黃
可憐周武休兵地亂後空城半白楊

宿少林寺

夕陽半嶺照松關初地幽棲少室山
僧磬自鳴林鳥靜天風不動石蘿閒
懸巖五乳青冥外古樹三花杳靄間

聞道折蘆人去遠，錫飛常帶白雲還。

九日登法王寺

重陽昨夜雨初晴，翠壁層開稱客情。
野寺路迴飛堦見，嵩門峰斷早霞生。
碑傳淨域僧還少，葉滿空山鹿自行。
令節吾衰猶濟勝，西風杖底落鐘聲。

懷王夢航共城

王汴人流寓輝縣，
徵君理學嘗登嵩山絕頂。

客裏巖棲近幾年，藥欄花嶼讀書眠。
論詩自許中原長，問學能推故老賢。
宮苑丘墟悲汴水，杖藜烟月俯嵩巔。

尊殘歧路驅遊子回首清光夢百泉

阮許州崖山夜宴西湖

州有德星亭曲水園梅花堂諸舊蹟

曲水梅花蹟杳然西湖不改野亭前清歌短笛誰投釣
荷菱鷗鳬自繞筵露坐中宵秋乍暖烟疎別浦月初圓
高陽舊里吾儕聚今夜德星何處邊

哭劉尚書瀛洲先生

公為司空冠時予官曹郎禮遇甚異嘗誦予詩於朝列

河嶽耆英更數誰銜恩知己淚雙垂羣空東國持衡日
髮白西曹解網時勇退尚嘲疏傳晚論才猥許杜陵詩

祇今總悵天風急日暮徒催野客悲

山陰張陸舟自宣城移家白門

移家頭白仍為客寒浦清尊動別愁把臂看成三世在
比鄰真共十年遊鳳臺鼓角江雲暮牛渚霜帆楓樹秋
六代繁華搖落盡山陰何日掉歸舟

携尊敬亭山閣飲馮水伯

霜巖松竹就荒蕪踏葉看山興莫孤樓上仙人曾倚檻
林間野老自携壺雙溪遠浦時回合絕嶂閒雲乍有無

拄杖狂歌從日暮何妨謝李是吾徒

送馮天貞之許州兼寄阮刺史

積雨春寒策騎行多年名士尚諸生遙知下榻需徐孺
共說遊梁重馬卿桑落清尊官閣醉梅花殘雪戍樓明
西湖共憶題詩處月夜曾同阮步兵

望北郭一帶桃花率爾步屨

同梅
淵公

送客橋邊小徑通笑看郭外即丘中數峰霽色猶殘霧
深樹春光自一叢近柳僧扉經雨綠傍花竹屋隔溪紅

身閒隨事取稱意林叟重招石礪東

贈梅木山

東郭幽棲碧樹間北窓時見敬亭山青衫早棄從高枕
綠酒相看一解顏偶出為尋書卷去獨歌閒傍野雲還
子真市隱今誰問家近寒谿揜竹關

聞龔宗伯病愈

尚書起色領朝班劍履仍趨閭闔間伏枕人傳生白髮拂
衣天未許青山恩深藥物還沾賜興緩詩篇小放閒

此日加餐相慰藉 九重應為動歡顏

遣興

壬子四月

看雲種竹草堂身歲儉時艱既有塵佯託嘯歌迴嬖婢
嬾將顏色向時人中年愁老休催老往日官貧不計貧
猶有窮交責升斗含情自笑敢辭嗔

溪園間興得書字二首

沿溪十畝抱吾廬舊業桑麻五世餘借木稍編額去壁
隨身時帶讀殘書雨過深樹來黃鳥風定清池見白魚

誰道先生高枕得閉門頻枉故人車

二

歸田真作野人居恨少紅亭傍碧渠籬畔春添侵徑竹
花間手種半園蔬病殘轉悔空耽藥老罷纔諳未讀書
看我拙勤徒若此兒曹嬾去復何如

閏七夕和韻

依舊明河限碧天女牛消息又頻傳從教歡會重今夕
轉益離愁似兩年綵線倦穿樓上立鵲橋還耐斗邊懸

愚溪乞巧徒多事費盡人間瓜果筵

響雪亭

黃山白龍潭
上和曹賓及

凭闌獨坐晝冥冥誰向雲根置草亭晴日峽飛千嶂雨

秋空潭見數峰青泉幽好入酈生注井近應留漫叟銘

憑仗村翁謀斗酒涼風拂面總成醒

地近煉
丹井

雲谷擲鉢菴

山如覆鉢菴舊
為某處士書屋

仙掌稜稜拂紫氛層峰回合檻邊分何年書屋成僧舍

有客秋巖坐夕曛古鉢誰翻千仞石寒鐘難出萬重雲

龍泉日夜潺湲去流與人間幾處聞

重九前二日曹使君再集斗山

同高司馬駢別駕分得頻字

論文良會不辭頻露坐殘秋當好春風細暮雲深繞樹
臺空新月故依人山頭預把茱萸酒物外誰閒吏隱身
乘興題詩從造次莫應此夜動星辰

題畫為程山人以樞

何處潺湲滿耳聞空山深翠亂斜曛瀑流寒見半峰雪
松卧翻成疊嶺雲茅屋藤梢晴漠漠石梁花氣暗紛紛

長鏡采藥此中去莫厭身隨野鹿羣

歛浦遇涇川趙考叔知汪發若在涇上

練江遊子方羈棲控鯉仙客來琴溪賸有菊花供爛漫
那無斗酒相招携路難秋夜髮欲白霜滿山城烏自啼
聞說汪倫未歸去醉醒好共吟水西

唐使君寓菴宴梅花亭

時將于
役淮上

何遜風期許入林謝公樓畔復招尋
寒花故照離人酒
仙吏閒同野老心江上雪晴孤棹遠
檻邊山繞暮雲深

官梅水驛多無數
淮甸江門幾處吟

過淵公看牡丹

繁花一日簇
蘭齊散雨含烟
傍客低地接比鄰
拚盡醉春看過眼
嬾重題檐前好鳥
經時立葉裡遊蜂
去路迷飛蓋傳觴
還我輩詠歸月照
小橋西

寄答吳江徐松之

有美詩篇笠澤傳
江山藻思太翩翩
園林夜醉書為屋
吳越春遊客滿船
避俗爭留徐孺榻
殺青判賣杜陵田

五湖新漲桃花水
烟艇相逢何處邊

訓汪澹菴同年

江上芙蓉漸作花
尋山來問謝公家
潭烟共泛青溪酒
風物先題綠雪茶
入直弟兄同館閣
航遊楚越引仙槎
金臺聯騎渾如昨
不相看髻欲華

汎青谿

同瞿山桐
巖和梅士

江村野寺綠初齊
風物何如罨畫溪
觸舫空潭雙鯉躍
傍巖幽樹一鶯啼
子明舊蹟摩巖得
紀叟春醪滿甕携

岼柳汀花隨客意棹歌深處夕陽西

哭蔣虎臣修撰

坐峨嵋山伏虎寺留詩卒

遠遊汗漫錦江春苦愛逃禪問許詢垂訣一詩猶說偈
繫官幾載自嫌身半肩華嶽峰頭月夙世我嵒寺裏人
難忘平生相勗贈長干臨別語酸辛

和程叔夜雨獨宿郡閣

時共修郡乘

永夕殘編祗自論蕭條官舍亦閒門時艱短髻詩書賤
雨急空齋燈火昏問夜羈心聞戍鼓懷人歸夢逐山村

誰知野館江聲裏有客相思罷酒尊

雨夜重懷景威程叔

長夏如秋良不惡劇憐御裕生淒寒重雲滿榻裹書濕
隔巷衝泥攜手難水閣山城霧淄淄憂時望歲宵漫漫
門前便與江湖接會放漁舟乘碧湍

不獲辭郡志之役聊述媿

分曹比舍盛文儒末議何容野老俱事異史裁無獨斷
書成官限迫須臾富人却米同揚子直筆捐軀媿董狐

縱有三長那免拙誰憐一得總為愚

忠州蕭鶴聞周雪客過集草堂

同耕塢瞿山方
幹耦長士旦

臨溪傍閣草堂偏隨興看雲野老筵曲檻晚涼疏雨後
昭亭秋色綠尊前樓當謝守憑軒處客並梁園作賦年
倚醉狂歌輸爛漫詩成京洛漫教傳

寄石埭姚明府六康

姚不
肉食

金城山下舊陵陽仙吏風流復此方手自絃歌傳邑里
坐容賓客倒壺觴王喬鳬鳥飛騰遠裴相伊蒲歲月長

猶未忘情詩卷在
苦吟翻喜得身強

初至龍谿莊

老罷纔諳農圃歡
身閒一就渚田看
霜前稻蟹初登網
雨後湖菱旋入盤
秋水送人漁艇便
野雲留客酒杯寬
誰營草閣憑疎柳
來往雙溪試釣竿

桂花三發彌盛舉酒客至

攀援歲歲逐溪來
有客過從漫舉杯
地僻好留堅坐看
花遲贏得滿叢開
殘秋暮雨愁香減
少日春風憶手栽

黃菊含情先讓汝白頭相伴莫相催

送沈天士營葬其伯氏雨花臺畔

嚴飈昨夜動江城江上歸帆帶雪行
車笠舊交皆失路鵲鴿遺痛一吞聲
牛眠新卜雨花地馬鬣重傷挂劍情
正學祠邊留短碣他年俠烈好齊名

敬亭雲齊閣限齊字

同張南村梅
耦長許雪懷

傑閣平臨萬岫低亂雲迴合擁招提
重陽節後蒼山靜衆壑霜前錦樹齊
晚菊秋晴看客笑寒禽日暖作春啼

與君不盡憑陵意絕頂行歌復杖藜

遺王安節斗酒索畫得報詩

素交零落石頭城暫住長干舊恨生
顧影自傾同粟里分杯君合勝公榮
雨窓秃筆青山出江閣開雲好句成
王謝風流看未歇暮烟歸棹滿離情

吳超玉携酒就徐田東水亭

同商賢

竹籬飭水勝江村古樹霜披舊蘚痕
地僻高人長抱膝天寒好友遠移尊
軒窓晚覺滄洲入烟雨時看白鳥翻

不是尋常文酒會漫將遊宴擬梁園

尋王元倬孝廉是年八十有一

高齋冬霽總如春倚杖留歡接膝頻舉世已稀同輩客
百年重見獨醒人間收菊枕緣多淚判棄山莊不厭貧
好補石城耆舊傳掉頭肯復望蒲輪

燈夕送梅孝廉不次還肥

梅久客肥水暫歸
宣城間兵警復去

射策初回舊草堂華燈雪夜勸君觴忽看歸客成征客
轉逐它鄉作故鄉金斗城邊江路遠瞿硎山畔洞門荒

青春畫角關心甚，離思遙隨驛柳長。

山行經野寺小憩

藤陰礧響涓涓轉，野寺松雲冉冉新。
下馬徑須投白社，逢花誰不枉青春。
怕過朋舊盤餐費，喜就林泉書卷親。
詩句每從行處得，高吟那問路傍人。

送高郡丞蒼巖還新安

時已報還
蘇州太守

方春握手忽春餘，風雨陵陽坐讀書。
舊憶清尊開郡閣，頻煩小隊問吾廬。
蓮峰雲送江帆遠，虎阜花吟露冕初。

吳會山川文物在能詩常侍興何如

涇川石山菴

故許相國
讀書處

疊嶺行來碧嶂寬
天開禪室倚林端
夾籬新笋筠初解
滿徑幽花雨未殘
峰頂泉聲龍窟穩
書堂人遠石門寒
爭傳相國曾留碣
杖策層崖拂蘚看

過烏溪重宿葉漢章山齋

山頭返景散寒烟
列嶽爭回溪館前
紅藥風翻花照水
新桐月上客當筵
園林果盡閒居賦
諫草家傳折檻年

若使盤餐能簡易經過長對石牀眠

新安城南龍井山閣

老去難禁野興賒江樓晴日俯雲沙舟回亂石漁梁淺
城抱青山雉堞斜古木千章陰客坐源泉一勺自僧家
紫陽舊蹟西峰近祠館參差著晚霞

田間漫成

歲歲田租倚俸錢去官何計復留田自慚谷口躬耕處
空憶天台采藥年性嬾于人疎簡牘題因存友恕詩篇

豆畦瓜架秋陰外倚杖還聽過雨泉

城南莊觀穫

跡繫江城野興長南鄰曲塢接山莊攤書棚就青松坐
隔水園開早粟香獨客村厨惜雞黍斜暉丘隴散牛羊
遙憐楚粵軍麾滿幾處田疇戰後荒

趙天羽戶部至自海陽

百年交態倦重論客有臨溪叩竹門正憶練江陪畫舫
相看疊嶂共清尊文章搖落孤雲暮園榭荒蕪老檜存

造次霜帆一分手干戈離索兩消魂

時賊陷徽州

劉畊南見過飲花下感舊

一尊相對正花前回首交情四十年春寺玉峰携手入
霜天溪館共床眠當門叢竹閒開逕避世南陽學種田
烟樹吾廬真比舍杖藜重醉菊亭邊

西津白雲樓

有蕭太守石刻

臨溪背嶺自仙丘舊碣爭傳五馬遊路轉岨阿深見寺
雲飛水上故當棲長橋返照沙潭淺宿霧孤城木葉秋

西望瞿硎應不遠幽栖石室幾人留

疊嶂山房送旌陽劉君實

作客江城坐翠微梅溪歸憶舊松扉老能留眼看書卷
熱不因人自布衣抱牘復偕萊婦隱灌園久息漢陰機
家山近在鳧山下日日仙鳧相傍飛

酒間贈楊仲建

時有客為作
箇山老人圖

谿邊小築近江鄉每繫蘭舟就羽觴
逕闢野雲還菊圃門臨潭水是漁梁
晴川片月時隨杖老樹孫枝直過牆

黃綺風流渾眼底暮烟仙岫遠蒼蒼

冬夜漫題慙阮懷都下

頻年袞袞接公卿篇翰勞勞遍帝城
雪滿西山明客騎人寒中夜擁書檠
傳經胄子朱門貴歸夢江鄉白髮生
却怪雙魚勤短札那無相憶一詩成

泊蕪關懷金揚州長真

鼓枻行隨漁父歌離人永夕奈愁何
濤聲直向石城去月色遙連隋苑多
哀角霜天驚雁鷺孤舟寒浦傍龜鼉

平山堂畔知相待風捲回潮生白波

目病不寐者七夜憤亂中時復得句

瞑坐過旬嗔欲顛暗中萬狀攢眼前春風笑我成相避
藥物欺人攪獨眠遠札頻煩誰替讀良方十百總虛傳
丘明子夏一何酷夜半推床嗟昔賢

穀雨後一日敬亭即事

同婁江
陳子遜

春風相伴入巖扃薄霧寒雲半杳冥為愛松花隨意摘
携將竹葉對山青題詩幾輩留殘碣吹笛何人最上亭

小試新茶全勝雪好更鴻漸舊茶經

陸羽茶經以宣城為下

寓書湯處士未發湯書適至

冬殘惜別又春歸溪漲通潮到石扉
花落不知為客苦書成却恨寄人稀
滄江生事隨鼙鼓白髮心期見布衣
重仗東風相問訊幾多薇長赭山磯

同諸公陪胥明府宴敬亭雲齊閣

良辰高會就林巒宿雨初晴接坐歡
仙吏行春從緩帶青山懷古一凭闌
竹房深入餘花晚尊酒遙臨匹練寒

太白祠前雲未散好留新句與人看

和木山來看牡丹

生涯嬾種邵平瓜喜近東鄰處士家竹逕舊諳誰是客
匏尊一笑為看花輕風燕語江城晚返照人酣席帽斜
聞說天南烽未息多慚消遣對春華

馬吉人宅同雨若文虎

銘座尋常挂酒瓢清秋暇日肯相邀豈嫌過客來看竹
自愛空庭獨種蕉伴老詩書供枕籍違時醒醉狎漁樵

含情有待成終日負郭無愁歸路遙

是日遲淵公不至

酒間用韻答張七見過

別憶秦淮對落暉相看亂後忍相違
停舟月照江楓冷把酒人逢稻蟹肥
久客共判霜雪鬢浮生誰穩芰荷衣
應憐衰謝貪丘壑漫向星辰擬少微

洪庭植學使墓下感賦

四面青山木葉飛孤墳宿草淚重揮
舊憐鄉曲同尊酒老歷官曹自布衣
文字教數荒服遠交游人許素心稀

黔南此日干戈阻猶幸從前旅櫬歸

君督學黔中卒官與櫬歸未幾兵阻

仙源崔友尚孝廉見過有贈

宛水秋晴落漲痕荒園握手一相存
坐談應據戴憑席願盼曾登元禮門
天向城頭開絕嶂家從雲外住仙源
何當重識黃山面靜對蓮花共酒尊

經寧邑東岸即目

山逕盤盤谷口遮參差霜葉萬重霞
礪邊列樹多收漆雲外高峰總種茶
亂石風湍通釣艇夾溪烟火辨人家

有懷不見含情思細菊馮誰為採花

鄭谷口招集團館即顧與治舊業

谷口幽棲好亭子閒園新綠上階除清谿舊傍江淹宅
荒逕偏宜仲蔚居累日看山眠野寺有時留客當吾廬
傷心忽夢平生友猶對寒松坐讀書

顧舊有
寒松齋

訓何次水

訝許關情見面遲美人贈我采江蘼前朝舊住烏衣巷
近代誰憐水部詩桃葉渡頭把酒夜雞籠山畔捲簾時

永興書法新摹就好古重搜幾處碑

鄴侯南村谷公有歲前聞警見懷詩淒然次韻

何意長干此重尋別離情見素交深眼穿烽火三秋日
頭白關河隔歲心不分詩朋違酒醺憶從禪老踏雲岑
忽看搖落成高會猶喜勞歌共賞音

谷公舊同
予遊武夷

江浦逢吳岱觀

吳舊令成縣
有西塞諸詩

別來何處復何年頭白相看各惘然形勝地隨遊屐盡
風流名為拂衣傳

君以詩酒
疎放免官

家移烟火西湖外吟苦伊

涼絕塞邊甃把清尊同一笑江山鼓角總堪憐

贈江浦王白虹明府

能兼吏隱意長閒病起尊前自好顏水驛孤城通畫舫
縣樓高枕傍青山殘編送日真成癖空橐留賓不放還
九折共知多畏路誰憐騏驥困人間

定山寺

相傳達磨渡江卓錫
處莊定山舊有講堂

靄山不遠浦城邊客到先尋卓錫泉裂石陰巖斜枕寺
當門古樹獨支天禪宮雲護殘僧在講席人傳故老賢

好挹長江入懷抱看余飛策碧峰巔

同人集一拂祠講學

祠祀宋鄭介夫俠地故
耿天臺先生講學處

講席從來舊石頭空山回首白雲流百年忽見衣冠會
一日真同鄒魯遊抗疏人傳還俎豆談經天許傍林丘
烽烟滿目羣英在坐愛松風五月秋

贈宗人惟和處士

六十聞君尚黑頭門前坐見碧溪流忘機自信羣鷗狎
采藥閒憑一杖遊學自紫陽追闕里人疑黃海遇浮丘

趨庭別有家風在百尺喬柯耐素秋

贈鄭瑚山中翰

參軍人自鳳池來制勝元須草檄才醉肯留詩邀笛步
閒從校射雨花臺金門回夢鳴珂近海嶠傷心戰角哀
乍喜論文尊酒畔青谿深處共遲迴

金長真憲副夜送遊吳門同署齋諸子分賦

作客誰知嬾是真留歡獨此醉十巡歌殘永夜邀明月
坐擁羣公送故人洵美山川多難日尚慚丘壑未歸身

百花洲畔孤帆泊回首秦淮白髮新

次和長真先生送別

時余取道吳門歸里兼欲移家秣陵

無恙山川復此看客遊當暑尚盤桓久拚射虎殘年過
敢信藏舟何處安解纜江潭乘漲急移家烽火傍人難
吳門宛水歸途接倘遂窮交見面歡

謁高忠憲止水祠

中丞抗節從容地皎皎寒潭荇藻香正氣翱翔陵白日
清流生死愛滄浪

公另有讀書處曰水居

旌旂何處應箕尾俎豆

依然舊草堂誰道渟泓隔河海東南濂洛總相望

二

祠接龜山道不孤東林遺緒起吾徒致身偶類江丞相
含憤寧同屈大夫自昔黨人移漢祚到今尸祝盛文儒
流風未墜箕裘好精爽還應戀舊廬

祠即忠憲
公故居

夜投惠山宿秦園

客到孤城入暮烟却貪清境促移船蓉湖漁火散欲盡
松寺暝鐘時一傳磬遶春申蒼徑滑園當龍岫碧雲偏

携鐙就水休辭夜頭白初過第二泉

集蔡皖森同年翠深堂

主人何羨北山岑亭午高齋坐綠陰
早歲歸來三畝宅素交離索廿年心
臺依喬木青天近座繞猗蘭落照深
此別風烟還荏苒白頭何處重招尋

芹野草堂詩為陳集生感賦

君高祖芹野先生為
沂州守有芹野草堂

今三易
主矣

綠野堂開傍碧溪爭傳刺史此幽棲
春來湖水侵階滿

木落龍山入檻低，卧柳枝殘人久去。
古牆苔掩句曾題，
可堪王謝風流地，巢燕頻更舊路迷。

錫山逢丁飛濤祠部

歸自塞外謫所又居母憂

歸客艱辛近若何，相逢失喜淚滂沱。
蓼莪篇廢王裒痛，沙塞詩傳杜甫多。
滿眼江湖愁道路，幾人書札問巖阿。
扁舟尙向鳩茲過，只尺雙溪有釣蓑。

君言將訪舊皖口過燕江

山遊晚過徐長民

野色蒼蒼夕照間，堂臨谷口復谿灣。
叩門夜識陵陽客，

入坐青知鄧尉山
早歲身隨叢桂老
高吟目送白鷗還
東西十里皆梅樹
春到能餘幾日間

學餘堂詩集卷三十八

欽定四庫全書

學餘堂詩集卷三十九

翰林院侍讀施閏章撰

七言律

過故給諫姜貞毅公吳門舊寓

公自題敬亭山房

解衣長喜傍清湍
翡翠鵝鵲入畫欄
此地應同習池好
當年直作敬亭看
看竹梧障日留春色
荷芙蓉翻風生夏寒
舊是孤忠髭髮處
臨流回首思漫漫

吳中答宋旣庭孝廉

茂苑陵陽一水長，幾年清夢逐鱸鄉。
爭誇闕闕皆文字，自信交游屬老蒼。
籬巷曲連深竹逕，河橋原傍讀書堂。
晚涼過雨時相就，湖上追懷舊不忘。

先是相見西湖

二

愛我耽遊如謝客，投詩款曲故人情。
酒朋雅稱谿山美，家世重兼烈孝名。

宋母葉夫人乙酉間兵變投井
或仲子實粟從之有節孝合傳獨卧

烟扉成野老，無雙國士舊門生。

謂繆歌起狀頭眼中搖落秋風

起愁說天南未罷兵

吳瑤如同年夜宴虎丘

同園次飛濤叔夜雪懷

畫船落日席重移
精舍涼風倒接羅
林壑鳥歸烟盡夜
管絃人醉月明時
清言獨占生公石
舊蹟長憐短簿祠
何幸亂離能此會
平秋斗酒更相期

吳門留贈方千霄少參

公伯氏永壺與余同舉已丑公又同舍比部

招尋袞袞復離筵
依舊追歡粉署年
夜永坐殘吳苑月
心清曾試嶺南泉
論文家並機雲美
秉節人推嶽牧賢

莫為蒼生改青鬢江湖樂地此中偏

登玉峰頂兼懷徐立齋侍郎

玉峰皎皎照人明散帶松風絕頂行
遠樹暗連烏日嶺
夕陽遙指闔閭城
河流古道千年改

舊傳河流
出山下

雲氣西

巖一綫生矯首忽驚離思切還從直北望神京

徐健菴編修重集澹園分得微字

同葛龍仙陳躬
一葉九來陳子

遜子壯潘次畊
暨伯氏孚若

城裏高齋面翠微
開尊散帙總巖扉
梁園會是真名士

用里人逢大布衣

時初識
葛龍仙

池上風來穿竹過峰頭雲起

傍筵飛留懽恨別渾無奈帶甲驚心客未歸

舟回至虎丘高蘇州追送一詩

練江高會舊纏絲重傍花洲共客筵杖履湖山容我輩
風流韋白見當年雀舟早覺青楓冷虎阜誰看好月圓
別後尺書勞問訊離情長繫郡樓前

重別澹心

星霜漂轉未成翁吳會風流屬寓公日記自留文筆在

詩傳肯畏客途窮白頭性癖春山曲紅豆歌聲夜雨中
第二泉邊重惜別五湖烟月此心同

曉次荆溪

夜發河橋歸興催雞鳴繫艇曙光開縣前湖水東西濶
城上銅山煙雨來伏劍蛟宮傳烈士買田陽羨憶仙才
故人漂轉知何處腸斷中原畫角哀

時陳其年
客遊中州

過陽羨徐竹逸見貽詩冊

時以足
疾杜門

布帆貪趁好風吹讀盡蓬窓一卷詩芥萍湖蓴歸養日

蒼山洱海宦遊時畏途自愛歸田早高枕何妨見客遲
欲報瑤華拾芳草前川涼雨暮迷離

人日

人日何人野興長乍陰復霽稱初陽敬亭雲散明山閣
江郭梅開報草堂久病二毛年冉冉多艱五嶽思茫茫
可憐畫角連芳草好倩春風洗戰場

石埭姚明府署中忽生白蓮屬賦詩二首

鳬鳥慵飛吏隱偏放衙時復愛逃禪從耽彭澤籬邊菊

忽涌東林社裏蓮色傍水雲渾帶雪藕分仙種定如船
冰心坐對看成笑貝葉經多手自編

二

自愛根株寄碧湍不將顏色供人歡臨風小試霓裳舞
照水長留玉樹寒並蒂直堪藏白鷺素心兼許笑叢蘭
陵陽共說神明宰官閣誰同子細看

客歸喜金翰孺先自中州見候

君曾祖太阿公曾
守吾郡與先大父

講學郡
有專祠

何人千里獨相思到久還嗟見面遲
匹馬間關過陋巷
一尊蘋藻薦先祠官齋共指談經處
祖德猶傳墮淚碑
漫說江南好風景牡丹重憶故園時

謝王使朴見貽用韵

檻外寒溪水自流往來隨意有沙鷗
開門坐見晴雲過
背市閒憑小閣幽每傍松根携一卷
偶裁楷瘳得雙甌
四方多難吾高枕肯負餘生浪白頭

趙永星置酒幕山

同吳同甫梅瞿山趙夢求

不辭物外共清歡
舊徑重來木葉殘
松偃半亭留客坐
林疎衆壑喜人看
下方雲起孤城合
故壘山空落日寒
老罷酒闌還極目
江關戎馬倦憑欄

哭許青崖

曾向南村問草堂
重來惟見竹過牆
半生藤杖看山盡
遺草蓮峰鑿石藏
左氏失明還述作
杜陵遭亂晚哀傷
新安江水悲耆舊
嗚咽聲隨客淚長

留別王莪懷兼寄舊遊諸公

日日山堂繞翠微
更尋僧寺坐忘歸
浮名早信林棲好
畏路還疑市隱非
烽火經時拚酒醖
梅花破蕊傍郊扉
相看親舊俱亡恙
莫厭丘中薜荔衣

何生伯示近詩兼約文瀾亭野眺

不到朗陵三十年
舊時遊好心茫然
窮交握手開雙眼
見面論詩手一編
半世烟霞供爛漫
幾人歌醉足纏綿
危亭縱目還能否
亂後溪山倍可憐

南陵長至值雪

畫霧經旬暖復陰
良辰雨霰晚相侵
晴冬久望占年雪
倦客拚違行路心
穀水交流寒野寺
工山千仞失雲岑
軍麾人事催遲暮
多難微陽何處尋

文瀾亭和生伯

同范魯生茅
楚畹王左星

安賢古寺殘鐘在
百尺危亭復此杯
楓落檻前千樹白
雲移天際數峰來
孤城地合漳淮水
異代詩留李杜才
朋舊風烟間不易
夕陽歸騎漫相催

亭在龍會橋上漳
淮二水交匯杜牧

之有謝家池上安賢寺即此
地李太白遊南陵亦有詩

留別南陵屈明府君賜

頻年書到宛陵城
良會疎梅帶雪清
客病多慚投轄飲
官煩偏重繫駒情
論才物色空逢掖
得算安居過甲兵
雨後試聽春穀水
潺湲時送夜琴聲

哭高彙旃先生

書來前日正開顏
肯信騎箕去不還
履道行藏追止水

問年甲子合尼山
愁雲楚澤招魂遠

公嘗視楚學

茂草東林

講席閒悵望中原
與吳會更誰耆舊
在人間

先是河南孫鍾元徵

君太倉陳確庵
先生皆相繼歿

二

九峰高會豈沉淪
強飮猶傳矍鑠身
閩洛遺風還吾黨
東南故老失斯人
預留治命寧傷鵬
特撰新篇竟獲麟

旬日前序先大
父集遂為絕筆
天路招尋忠憲在
逍遙共喜出埃塵

欲闢小園作草堂
不可得戲題遣興

花竹為園興未窮
草堂地限蘚牆東
行藏獨立千峰頂
哀樂都歸一卷中
半世歷官餘野老
前生入夢是愚公

嘗夢青衣客示
愚山道人四字
柴門便與山溪接
斟酌扁舟漾晚風

寄徐田東秣陵

倚棹偶為江上客
逢人因寄袖中書
揚雲玄塚仍餘淚

君哭楊商賢詩八章

徐孺東湖定索居
寒許鷗鳬依水檻
晴隨杖

屨問僧廬武昌官舍知相近
自愛青溪釣白魚

時從子子愷官

楚藩

寄嚴顥亭侍郎

燕臺吳岫憶招要
朔雪南雲別路遙
共說飛騰勤袞職

可無書札到山樵
班張夙昔曾分席
伊呂於今半在朝
退食詩篇應不減
看余一賦自鷓鴣

過拙庵孝廉自公安避亂至寧陽

棹頭不復問公車
累葉家風舊著書
龍市年來深避地
雞山僻處重移居
鄉園百戰人無恙
客路頻歌興有餘

消息荆門安穩未
好將石室當茅廬

寧國縣有雞山及
瞿硎先生石室

江陵李浪山因人寄詩有謀笑軒讀史諸集

江離湘芷恨難論
石隱龍湖何處村
自笑將詩聊卒歲

悲歌讀史竟招魂乾坤那復漁舟在襄郢今餘戰角喧
稍喜山中留故老楷模猶說李膺門

蔣曾策至自吳門余適將往皖口

歲暮重堪作客身孤舟相背各江津尊開坐對陵陽雪
梅發行看鄧尉春仕隱生涯皆野老徐庾家世總詞人
漫言寡合空歸去滿握隋珠未是貧

寄胡蒼恒天中

時見遺緝
園詩集

舊遊宛洛兩相望別墅重聞擬辟疆憶遠書能連歲寄

歸田人共十年強梁園客醉開花
逕汝水雲飛繞葯房
斥堠中原猶警在肯容高卧老南陽

梅八丈東渚草堂追和故徵君沈先生題壁

徵君杖屨尋幽處彥會花時數見招
此日漸稀東渚客
相看真共北山樵石邊老樹經春凍
烟際冥鴻渡浦遙
長憶麻姑重悵望

麻姑山徵君故居

雪殘青嶂自雲霄

無錫吳明府特拜閩廉使

治行吳公海內稀九遷一日重
恩暉惠山泉好留詩別

仙嶠花深擁傳飛蛋戶仵儺矜肺石鯨波偃息解戎衣
武夷形勝知相接叱馭何由歷翠微

答河東巡嵯鞠侍御

余視學山東時
鞠司諭嶧縣

乘驄幾度傍龍門柱史風流舊可論
鳬嶧峰前分講席金魚池畔憶離尊
持籌轉運車儲急補袞雲霄諫草存
欲問仙山到姑射十年衰髻卧江村

唐朕虞以歲薦入都

無盡春風在帝城桃花一路送君行
河邊月照離人影

薊北鶯啼故國聲
野戍漫勞烽火急
旗亭何處酒尊傾
祇今漢主需良策
前席應知重賈生

答徐七程叔蕪江見寄

落盡桃花尚客居
春風莫遣髩毛疎
比鄰高士能開筵
謂湯巖夫隔浦青山對讀書
野岸芹泥香燕子
江州蘆筍膾豚魚
扁舟共醉知何日
愁見停雲覆草廬

對盆梅有懷

恨無多樹繞檐前
小簇低枝傍酒邊
過雨齋寒留客看

逢春頭白被花憐西溪林麓僧頻約

聞武林西溪古
梅連接十餘里鄧

尉風光夢幾年忽憶題詩舊官閣平安消息好誰傳

是先

官湖西手植梅署
齋今臨江正駐兵

傳經臺

故陳九龍先
生講學處

礪石高臺玉几平天留片席擁諸生
野花無種年年發
林鳥多情處處鳴
杖底湖連千頃濶
洞門雲散萬峰明
丹祠蕪歿餘殘碣
流水猶傳絃誦聲

鄧元昭同年抵敬亭宴集即行追送一首

荒城會面是離筵
峽石潭邊繫繫船
阜帽秣今同野客
青山何處不詩篇
開尊寺閣憑春樹
分手江帆帶夕烟
小謝登臨餘勝地
白頭相望重流連

晝畫溪遊讌

同彭鹿門太守張令音廣文丁舟及
王子允臧受澄蔣自衡葉丹咸諸文

學

沙泉廟茗共招携
宿靄晴雲覆一谿
永日鷗鳬還上下
當年藤樹接東西
中流倒映丹樓出
密竹斜侵畫舫低
信美山川復朋好
興移五月有鶯啼

畫溪含清閣用韵

夕陽佳處樹冥冥
返棹重尋水面亭
無恙波光長入畫
含情山色為誰青
繁陰未歇三春草
隔岸遙開九疊屏

大厯詞人傳舊里
迷離烟火問前汀

唐學士錢起家畫溪

宿霍瞻菴山樓

董宗伯書額曰
二酉藏書樓

何年卜築冠林丘
入座人同樹杪遊
山近烏瞻雲嶺見

窓憑白鹿石林秋

烏瞻白鹿
二山名

龐眉碧眼老仙客
鳥篆蟲

書滿竹樓夜聽洮
洮清辯永前峰
明月正當頭

時彭鹿門使君

談出世
之學

東贈丁季葵兼索佳芥

竹院羈棲雨浹旬
相逢慰藉倦遊身
移情每縱西湖棹
愛客頻傾下若春
茶到玉川元是癖
園歸甫里未全貧
莫辭手摘分尤物
洞芥君為舊主人

山行暑雨

驕陽急雨太相侵
大麓孤亭何處尋
涼燠片時成異候
風泉半嶺共悲吟
雷奔駮鹿橫溪過
雲暗藏鳩坐葉深

莫歎山程苦行役家居元乏好園林

大安寺雨坐有懷水西

荷芰風凉水榭閒橫塘帶雨聽潺湲暑逃官席貪高枕
客愛僧廬當揜關蒼髯早知拋赤紱疎簾却喜見青山
烟亭竹院行歌處誰借枯藤一往還

訓旌陽司訓秦映碧

是留仙翰
林令弟

梅溪風土接東吳才子臯比興不孤史席舊來推伯仲
仙雲深處擁生徒車驅驛路留詩過酒貯齋厨待客俱

借問梓山山水清冷還似二泉無

秦家錫山故云

晚步

晚步東臯傍綠池
薔薇別館剩花枝
過眉杖覓青藤得
折脚鐺憑錦石支
世亂慚叨無事日
才疎嬾作贈人詩
惟嫌山水情難斷
竹塢雲林坐少時

諸公頻枉書幣促鉞拙詩

問訊篇章事若何
未應撿校尚蹉跎
慚非揚子寧留草
況是文園久負疴
性癖雕蟲聞道晚
官無長物累人多

雞林價重君休論且趁尊前倚醉歌

旌陽遇黃獻仲之歎

頻年竹策起身閒立馬梅谿感別顏泰岱東遊身到海

大鄣南去日看山人家半傍雲根住客舍都從樹杪還

歙客寓萬山觀開
化寺皆山城高處

秀筆丹青能暇否蓮峰秋色會應攀

傅星齋湖舫宴集

同高
子傳

客向西湖雙眼明菊花節後正初晴留人四面山還好
飲馬千羣水自清歌管不知斜日下歸舟倒指晚霞生

隄橋陵樹秋如許頭白重來無限情

巾子山

台州

城上雙峰俯萬家振衣秋色滿天涯潮聲遠帶輕颿沒
搖影橫催白日斜近海林巒餘宿霧寒山郡郭少黃花
當年戰壘堪斷殘戍沿江有暮笳

登華頂

丹臺側磴少人行莽莽羣山合太清江海遠浮雙練窄
雲霞重壓赤城平九天鸞鶴飛難到一寸松篁凍不生

曉霧漫須遮老眼蓬萊看日舊分明

余向有登州望日樓歌

台州贈洪虞鄰少叅

海隅一卧傍天台畫省人傳視草才烽火藏書曾入壁
園林叢菊自銜杯孤亭月照滄洲白雙袖雲收華頂來
共說拂衣君未老東山何事久遲回

東甌贈林梅生

鹿城耆舊似君稀見面僧廬對落暉牆壁藏書歸馬隊
干戈橫海失漁磯無家重賦頭皆白半菽哀歌淚滿衣

此日清霜催木葉浮雲繞樹惜分飛

高尚孚副使夜宴甌城留別

時自台移溫
兵亂初定

江閣星移綺席殘銀箏別曲更延歡
楚鄉耆舊筵長滿甌海霜天夜未寒
千騎重臨仙嶠好孤城百戰泰山安
餘年後會情何極各取蒼顏帶醉看

溫州贈陳總戎贊伯

以戰功錫世
職故有六句

漢家飛將舊橫行
枹鼓年來卧不驚
劍倚龍精輕萬事
身先虎穴拔孤城
銷烽海國歸尊俎
錫土天書列姓名

共說軍前容揖客醉餘緩帶笑論兵

發甌江至括蒼道中

坐待潮來送客還暮雲疎雨動離顏
諸村戶散漁舟斷故壘兵稀戍火間
波涌半江飛白鷺霜紅萬樹失青山
括蒼此去疑天上谷轉猿啼何處灣

桃花嶺

山行短景路遲遲嶺上丹青剩廢祠
雨後有時留虎跡春來何處覓花枝
荒途驛在無官騎野店人稀客自炊

日暮青燐燃宿莽前年此地提王師

過嚴州追悼故梁太守培元

梁名浩然山東濱州人自嚴州遷寧紹副

使未任卒嘗酒間索予釣臺詩今重過嚴祠碑在矣

桐江落木旅魂悲太守風流更數誰把酒固留歸棹客
到門先問釣臺詩七年卧治名還在千騎移官事已遲
慚愧為余存片石故交零謝淚雙垂

上元夕

同木山閣昭瞿山耦長

良辰勝侶會難兼永夜同遊興未厭兩水煙波開皎月

千家江閣捲疎簾，春晴天放華燈好。歲改人從白髮添。
烽燧幾年還，火樹踏歌歸醉定，無嫌。

花朝小飲有懷龔扶萬使君

公以花朝日生前
守吾郡左遷歸楚

共惜芳辰倒玉壺，離情忽繞楚天隅。洞庭人去雙魚斷，
謝守樓空片月孤。宦謫生涯成道路，歸來戰地失江湖。
楚方用兵花朝細雨逢初度，有客看花痛飲無。

王枚臣安福亂後書至

望斷螺川是戰場，書來破涕復沾裳。殘生丘壑餘衰病，

幾輩應劉累喪亡講肆已隨衰草沒成樓新控大江長

東南羽檄何年定只有離愁對夕陽

來書言吉州城外市肆講堂盡成丘

墟白鷺洲閣已改成樓

和吳舫翁濟南見寄

舫翁江西吉州人曾同講學青原頃客齊魯有謁闕里登

聞韶臺諸詩時吉州正苦兵

二東書札數能來懷抱遙從萬古開習禮空壇親酌酒
聞韶舊地獨登臺講堂猶夢青原會鄉國惟餘畫角哀
滿眼風塵吾輩老橫流江海幾時迴

寄劉太平竹菴

時督繕戰艦

文士誰言出牧難，褰帷治行動長安。軍儲此日勞王事，

祖德前朝舊講壇。小謝青山雲樹近，大江白晝郡樓寒。

臯比好向天門坐，犀浦應同鷺渚看。

公先世三五兩峰諸公皆王文成門

人講學白鷺洲而太平之米石舊有天門書院

酬和方望子

時有父喪自京師歸携吾友王山長書至一見而別嘗序其尊君真學錄

雪中造次未開尊，意氣相看盡一言。風木關河殘淚在，

文章京洛素交存。危時丘壑難高卧，遺緒濂閩許細論。

歸到紫陽重作客停車肯復問蓬門

巖臺寺

夕景重尋野寺遊層崖側疊自仙丘浮雲不散留雙洞

絕壁誰開置一樓抱石松根風物改

郡守羅公近溪有臺端松抱石之句

今松已燬

入天蘿逕杖藜愁當年題字多磨滅此地曾經支

許儔

同王虹友徐章仲登敬亭

時王將遊歙

夢逐林峰未許閒轉因佳客一開顏春風綠遍崖前樹

夕照青來雨後山，謝李篇章人未遠。
江城烟霧鳥初還，聞君留眼看黃海。
萬仞蓮花更可攀。

寄輓吳節母胡氏

當年陶母識吾曹，舊憶登堂醉濁醪。
早歲栢舟成永痛，千秋彤管待誰撓。
雞聲夜織餘蠶績，熊膽親分長鳳毛。
仙珮歸魂招不得，淚痕空逐廣陵濤。

送崑山徐章仲孝廉

青簾畫舫照江津，不分離筵遽愴神。
陸氏弟兄雙國士，

章仲與兄藝初一時南北闡並捷

徐陵家世總詞臣到來山霽昭亭月

歸去花留玉嶺春長憶辟疆園最勝舊時題句滿松筠


五日同勉中聖月耦長諸子集方鄴藤軒同限蒲

字

令節長懷楚大夫騷歌異代復吾徒滄洲髮短慵簪艾
綠蟻尊開且泛蒲不分干戈連歲月尚憐耆舊共江湖
淫淫雨急歸途滑笑拍雙童待醉扶

二

照眼榴花興莫孤
比鄰竹葉重相呼
漫誇長命五絲縷
自有仙人九節蒲
白日藤蘿何杳靄
澄江亭閣在虛無
時艱競渡年來少
祗合還尋舊酒壚



學餘堂詩集卷三十九